



Møtebok

for

Råd for menneske med nedsett funksjonsevne

Møtedato: 10.09.2018
Møtested: Kommunestyresalen
Møtetid: 13.00

Møtedeltakarar	Parti	Rolle
Jannicke Helland		Utvalseiar
May Britt Vågenes Gjerde		Nestleiar
Johannes Kolås		Medlem
Berly Hella		Medlem
Anna Hella Kartveit		Medlem

Forfall	Parti	Møtande varamedlem
Mai-Liss Sylta Møn		-

Andre møtande:

Følgjande frå administrasjonen møtte:
Kommunalsjef Grete A. Herøy i sak 013, økonomisjef Sveinung Kvamme i sak 014,
møtesekretær Arthur Kleiveland

Underskrifter:

Jannicke Helland
leiar

Arthur Kleiveland
møtesekretær

Sakliste

Saknr	Tittel
011/2018	Godkjenning av innkalling og saksliste
012/2018	Godkjenning av møtebok
013/2018	Meldingar og referatsaker
014/2018	Budsjett 2019 - innspel frå råd for menneske med nedsett funksjonsevne
015/2018	Områderegulering Bø skule og barnehage - 1. gongs høyring
016/2018	Fond for inkludering og integrering - fordeling av ubrukte midlar

Radøy kommune

Saksframlegg

Saknr	Utval	Type	Dato
011/2018	Råd for menneske med nedsett funksjonsevne	PS	10.09.2018

Sakshandsamar	Arkivsaknr.:	Dokumentnr.:
Arthur Kleiveland	18/2127	18/12678

Godkjenning av innkalling og saksliste

Saksopplysingar:

Framlegg til vedtak:

Innkalling og saksliste vert godkjend.

Råd for menneske med nedsett funksjonsevne - 011/2018

RMNF - handsaming:

Rådet godkjende innkalling og saksliste.

RMNF - vedtak:

Innkalling og saksliste vert godkjend.

Radøy kommune

Saksframlegg

Saknr	Utval	Type	Dato
012/2018	Råd for menneske med nedsett funksjonsevne	PS	10.09.2018

Sakshandsamar	Arkivsaknr.:	Dokumentnr.:
Arthur Kleiveland	18/2127	18/12669

Godkjenning av møtebok

Saksopplysingar:

Møtebok for 30. april vert lagt fram.

Framlegg til vedtak:

Møtebok vert godkjend

Råd for menneske med nedsett funksjonsevne - 012/2018**RMNF - handsaming:**

Rådet godkjende møtebok for 30. april.

RMNF - vedtak:

Møtebok vert godkjend.

Vedlegg:

Møtebok RMNF 30_april 2018

Radøy kommune

Saksframlegg

Saknr	Utval	Type	Dato
013/2018	Råd for menneske med nedsett funksjonsevne	PS	10.09.2018

Sakshandsamar	Arkivsaknr.:	Dokumentnr.:
Arthur Kleiveland	18/2127	18/12638

Meldingar og referatsaker

Saksopplysingar:

Det vert lagt fram følgjande meldingar og referatsaker:

- Temarevisjon kommuneplan
- Orientering om arbeidet med å byggja Alver kommune v/ordførar Jon Askeland

Framlegg til vedtak:

Meldingar og referatsaker vert tekne til orientering

Råd for menneske med nedsett funksjonsevne - 013/2018

RMNF - handsaming:

Alver kommune: Ordførar Jon Askeland orienterte om status og framdrift i arbeidet med å byggja Alver kommune. Han kom inn på den interne organiseringa av den nye kommunen, med tre nivå. Han er godt tilfreds med den harmoniske dialogen som er i prosessen fram mot ny kommune, og sa at samarbeidsklimaet både mellom kommunane og mellom administrasjon og politisk er godt, og langt betre enn i mange andre kommunar som er under bygging. Askeland sa seg også godt tilfreds med utkastet til kommunevåpen som no er i ferd med å ta endeleg form. Også medlemmane i eldrerådet og råd for menneske med nedsett funksjonsevne gav gode tilbakemeldingar på motivvalet - der både bru og båt inngår.

Velferdssenteret: Kommunalsjef Grete A. Herøy orienterte om stoda på Velferdssenteret. Ho peika på at folk ønskjer å bu heime lengst mogleg, og det legg kommunen til rette for, mellom anna ved å styrka heimetenesta. Det har ført til at talet på bebuarar på sjukeheimen er kraftig redusert. Det var i 2018-budsjett lagt opp til eit belegg på 35-38 plassar på Velferdssenteret, men no er det om lag bebuarar.

Kommunalsjefen orienterte om at tilsette på Velferdssenteret difor er lånt ut til heimesjukepleia og Omsut og andre einingar i helse og omsorg som treng personale. Ho rosa dei tilsette for stor fleksibilitet.

Omsorgsteknologi: Kommunalsjef Grete A. Herøy opplyste at utfordringa knytt til batterikapasitet på nye og moderne tryggleiksalarmar no ser ut til å vera retta opp frå leverandøren. Ho sa at ambisjonen er å få utplassert utstyr i løpet av hausten, i første omgang gjennom testing på nokre av brukarane.

Råd for menneske med nedsett funksjonsevne tok meldingar og referatsaker til orientering, med dei tillegg som kom fram i møtet.

RMNF - vedtak:

Meldingar og referatsaker vert tekne til orientering.

Vedlegg:

Arbeid med delrevisjon av Kommuneplan for Radøy kommune

Radøy kommune

Saksframlegg

Saknr	Utval	Type	Dato
014/2018	Råd for menneske med nedsett funksjonsevne	PS	10.09.2018

Sakshandsamar	Arkivsaknr.:	Dokumentnr.:
Arthur Kleiveland	18/1479	18/12667

Budsjett 2019 - innspel frå råd for menneske med nedsett funksjonsevne

Saksopplysingar:

Bakgrunn

Arbeidet med budsjett for 2019 i Radøy kommune er i startfasen. Dette er det siste budsjettet som skal vedtakast i Radøy kommune si historie. Budsjettet for 2020 er det dei folkevalde i Alver kommune som skal godkjenna.

Det er tradisjon at råd for menneske med nedsett funksjonsevne kjem med innspel til neste års budsjett. No vert dei inviterte til å koma med sine prioriteringar før prosessen er kome skikkeleg i gang, og rådet kan på den måten vera i forkant av budsjettarbeidet.

Økonomiplanen for 2019-22 vart vedteken av kommunestyret i møte 22. juni 2018. Økonomiplanen er retningsgjevande for budsjettarbeidet for 2019.

Statsbudsjettet vert lagt fram 8. oktober, med endelege rammer for frie inntekter. Statsbudsjettet legg føringar for budsjettprosessen vidare også i kommunen.

Etter planen skal endeleg budsjettframlegg vera klart 24. oktober, og formannskapet har sitt første budsjettmøte 8. november. På formannskapet sitt møte 22. november legg formannskapet sitt budsjettframlegg ut til høyring, innan fristen på 14 dagar før kommunestyret skal gjera endeleg vedtak om 2019-budsjettet.

Framlegg til vedtak:

Råd for menneske med nedsett funksjonsevne kjem med følgjande innspel til budsjettet for 2019:

Råd for menneske med nedsett funksjonsevne - 014/2018

RMNF - handsaming:

Økonomisjef Sveinung Kvamme orienterte om økonomiplan 2019-2022, som kommunestyret tidlegare i år har vedteke. Han gjorde merksam på at tala for 2020-22 er "tenkte tal". der ein ser på kva Radøy kommune ville hatt av inntekter og kostnader om me held fram som eigen kommune. Økonomisjefen sa at fellesnemnda for Alver har lagt føringar for kommunane sitt arbeid med budsjett. Han peika på at det frå 2020 vil skje endringa med uvisst verknad for inntektssystemet. Det gjeld mellom anna innlemming av øyremerka tilskot til ressurskrevjande brukarar, ny distriktsindeks, innlemming av øyremerka tilskot til lætarnorm, og nye kriterier og veking knytt til tenester inann rus, psykiatri og psykisk utviklingshemma.

Økonomisjefen viste til auka kostnader mellom anna til høgare rente- og avdragsnivå, pedagog- og bemanningsnorm, og auke knytt til ressurskrevjande tenester. Han konstaterte at det vil vera trong for innsparing kvart år frå 2020, totalt om lag 23 mill. i perioden 2020-22 for å ha eit akseptabelt økonomisk resultat, noko som vil tilsvare ca 35 årsverk.

Rådet for menneske med nedsett funksjonsevne drøfta aktuelle innspel til budsjett for 2019.

Det vart peika på følgjande:

- Det er behov for større plass til rullestol-brukarar i garderobane for terapibassenget. I dag er det veldig trangt når det er fleire rullestolbrukarar samtidig, slik situasjonen faktisk er. Difor er det viktig å få betre tilkomst og utvida garderobeforhold for denne gruppa. Det kan t.d. vera ei løysing å laga ny garderobe i området ved basseng-terrasse.

- Det er også viktig å få på plass heis i terapibassenget - slik at rullestolbrukarar kan vera sjølvhjelpen med å koma seg i - og opp av bassenget utan å vera avhenging av hjelp.

- Rådet ber også om at det vert sett fortgang i arbeidet med å få på plass baderampe for rullestolbrukarar ved Nesvatnet.

- Rådet ser klart behov for betre P-forhold for funksjonshemma ved legesenteret på Manger.

Rådet slutta seg til innspel som vart sett fram i møtet.

RMNF - vedtak:

Rådet for menneske med nedsett funksjonsevne kjem med følgjande innspel til 2019-budsjettet:

- Det er behov for større plass til rullestol-brukarar i garderobane for terapibassenget. I dag er det veldig trangt når det er fleire rullestolbrukarar samtidig, slik situasjonen faktisk er. Difor er det viktig å få betre tilkomst og utvida garderobeforhold for denne gruppa. Det kan t.d. vera ei løysing å laga ny garderobe i området ved basseng-terrasse.

- Det er også viktig å få på plass heis i terapibassenget - slik at rullestolbrukarar kan vera sjølvhjelpen med å koma seg i - og opp av bassenget utan å vera avhenging av hjelp.

- Rådet ber også om at det vert sett fortgang i arbeidet med å få på plass baderampe for rullestolbrukarar ved Nesvatnet.

- Rådet ser klart behov for betre P-forhold for funksjonshemma ved legesenteret på Manger.

Vedlegg:

Økonomiplan 2019-22 - handsaming i kommunestyret 21. juni 2018

Økonomiplan 2019-22

Radøy kommune

Saksframlegg

Saknr	Utval	Type	Dato
015/2018	Råd for menneske med nedsett funksjonsevne	PS	10.09.2018

Sakshandsamar	Arkivsaknr.:	Dokumentnr.:
Arthur Kleiveland	18/1912	18/12625

Områderegulering Bø skule og barnehage - 1. gongs høyring

Saksopplysingar:

Bakgrunn

Områderegulering for Bø skule og barnehage er lagt ut til 1. gongs høyring og offentlig ettersyn. Råd for menneske med nedsett funksjonsevne er invitert til å koma med uttale til planen.

Formålet med reguleringsarbeidet er å leggja til rette for ny barnehage på Bø. Den nye barnehagen skal erstatta eksisterande barnehagebygg i same område. Den gamle barnehagen skal etter planen rivast. Med i planområdet, som omfattar 52,8 dekar, er og eksisterande Hordabø skule og tidlegare Hordabøheimen, samt eksisterande bustader, vegar og grøntområde.

Formålet med reguleringa er å finna gode løysingar for plassering og utforming av bygning, samt gode uteareal for barnehagen. Samstundes skal planen sikra trafikk sikker tilkomst til skule og barnehage og for mjuke trafikantar.

Planforslaget er utarbeidd av plankonsulent Forum Arkitekter AS på vegne av Radøy kommune. Planområdet har over lengre tid vore nytta til same formål. Den gamle barnehagen skal etter planen rivast. I planforslaget vert det peika på at det er ein høvesvis liten del av planområdet som er planlagt utvikla. Storleiken på planlagt ny busetnad og områda som vert berørt, er beskjeden.

Føremålet er i planen er i samsvar med kommuneplanen. Planforslaget legg til rette for ei samfunnsnyttig utbygging, i tråd med statlege retningslinjer for samordna bustad-, areal- og transportplanlegging. Planforslaget legg og til rette for ei samfunnsøkonomisk utnytting av ressursane innanfor området med vekt på god trafikktryggleik.

Prosessen med søknad om etablering av ny barnehage innanfor planområdet vil verta sett i verk så snart reguleringsplanen er godkjent.

Hovudutvalet for plan, landbruk og vedtok gjorde følgjande vedtak 13.juni 2018:

PLT - vedtak:

Framlegg til områdereguleringsplan for Bø skule og barnehage, planid 12602017000900, med planskildding, plankart, føresegner og ROS-analyse mottatt 31.05.18 vert lagt ut til høyring og offentlig ettersyn i medhald av plan- og bygningslova §§ 12-10 og 12-11 på følgjande vilkår:

1. Planskildding vert omsett til nynorsk målform.
2. Det må leggjast inn påskrift på alle føremål i kartet.
3. Rådmannen får fullmakt til generell feilretting og oppstramming av føresegna. Mellom anna må følgjande rettast:
 - a. Det må gå fram av pkt. 2.4.1 kva føremål som inngår i kombinasjonen.

- b. Estetikkføresegna i pkt 1.1 er ikkje treffande for arealbruken og må endrast.
- c. Det må vurderast om føresegna i pkt 5.1.1 om sprenging er tenleg.
- d. Pkt LNF er ikkje eit arealføremål i planområdet og må takast ut.
- e. Pkt 5.1 følgjer av lov og må takast ut.
- f. Det må takast inn rekkefølgekrav knytt til parkering til barnehagen.
- g. Det må rettast i nummerering.
- h. Det må leggst inn frisiktsone i alle kryss i offentleg veg.

Framlegg til vedtak:

Saka vert lagt fram utan framlegg til vedtak.

Råd for menneske med nedsett funksjonsevne - 015/2018

RMNF - handsaming:

Det vart sett fram følgjande framlegg til vedtak:

Rådet for menneske med nedsett funksjonsevne tar Områderegulering Bø skule og barnehage til orientering.

RMNF - vedtak:

Rådet for menneske med nedsett funksjonsevne tar Områderegulering Bø skule og barnehage til orientering.

Vedlegg:

Plansak 12601017000900 - Områderegulering - Bø skule og barnehage - 1. gongs hø (L)(180899)

Føresegner

Planskildring

ROS_analyse_Bø barnehage

Plankart

Radøy kommune

Saksframlegg

Saknr	Utval	Type	Dato
016/2018	Råd for menneske med nedsett funksjonsevne	PS	10.09.2018

Sakshandsamar	Arkivsaknr.:	Dokumentnr.:
Bente Kopperdal Hervik	18/469	18/12361

Fond for inkludering og integrering - fordeling av ubrukte midlar

Saksopplysingar:

Bakgrunn

I sak 032/206 gjorde kommunestyret vedtak om å setja av kr 250 000 til fond for fritids- og avlastningstilbod for ungdomar med særskilde behov. I kommunestyret 11. mai 2017, sak 019/2017, vart retningslinjer for tildeling av midlar frå dette fondet vedtatt. Retningslinjene sa at lag og organisasjonar kan søkja midlar til inkluderings- og integreringstiltak i Radøy kommune. Søknadsfrist vart 1. mars og 1. oktober med 40 000 kroner til fordeling kvart gong.

Etter to søknadsrundar er status at det kjem inn få søknader og søknadssummen er for liten til at alle midlane har vorte delt ut. Frå potten hausten 2017 står det att kr 9 300 og frå våren 2018 står det att kr 24 000. Denne saka gjeld fordeling av desse restmidlane etter dei to første søknadsrundane.

Vurdering

Radøy idrettsråd har tatt initiativ ovanfor kommunen til eit kurs for å lære opp nye treningskontaktar i Radøy kommune. Treningskontaktane vil kunna bidra tilrettelegging av ei aktiv fritid innan idrett og friluftsliv for menneske med nedsett funksjonsevne. Rådmannen foreslår å bruka midlar frå fond for inkludering og integrering som ikkje vart fordelte hausten 2017 og våren 2018 til å finansiera dette kurset. Opplæring av treningskontaktar er eitt av tiltaka i handlingsplanen i kommunedelplan for idretts, friluftsliv og nærmiljø 2016-2026.

Kva er ein treningskontakt?

"[Treningskontakt](#)" er ein måte å organisera tenestetilbodet støttekontakt på, når fysisk aktivitet er ynskja. Tilbodet har mange likskapar med «Fritid med bistand», kan gjevast individuelt eller i gruppe.

For å få tildelt ein treningskontakt må det vera gjort vedtak om at ein treng støttekontakt.

Alle som ynskjer å verta treningskontakt må gjennomføra kurs for treningskontaktar og bestå eksamen etter avslutta kurs.

Behov for treningskontakt

Psykisk helse, ansvarleg for støttekontaktar og ruskoordinator stadfestar at det er behov for treningskontaktar i Radøy kommune, og særleg blant barn og ungdom/unge vaksne. Kor mange det er behov for er vanskeleg å seia, då etterspurnaden varierer over tid.

Kven kan verta treningskontakt?

I utgangspunktet kan alle personar som fyller 18 år i løpet av året verta treningskontakt, men vedkomande bør ha interesse for fysisk aktivitet og friluftsliv, og eit ynskje om å jobba med menneske.

Å gjennomføra eit kurs for treningskontaktar gjev ikkje nokon garanti for å få jobb som treningskontakt. For å få jobb som treningskontakt må det vera eit behov, den som tar kurset må vera eigna til å vera treningskontakt og vedkomande må få god kontakt med den personen/-ane han/ho skal vera treningskontakt for.

Med mange born og unge som brukarar, er det eit mål å rekruttera ungdomar som treningskontaktar. Ungdomskoordinatoren vil difor arbeida aktivt med å rekruttera aktuelle ungdomar som treningskontaktar. Idrettsrådet vil forsøka å rekruttera instruktørarar frå lokale idrettslag.

Om kurset

Det er Hordaland idrettskret som tilbyr kurset for treningskontaktar. Målet med kurset er å utdanna treningskontaktar som saman med brukaren kan skapa ei positiv oppleving rundt fysisk aktivitet og friluftsliv, og kunna planlegga aktivitetar og turar ut fra den einskilde brukar sine behov og føresetnader.

Kurset går over éin kveld og to helger og vert avslutta med eksamen – totalt 40 timar. Kurset dekkjer mellom anna følgjande tema:

- treningskontaktrolla
- planlegging av aktivitetar
- metodar for å handtera ulike situasjonar ein treningskontakt kan koma opp i
- korleis motivera
- psykisk helse
- kva for aktivitetar som finst i kommunen.

I tillegg til teori, har kurset også ein praktisk del som utgjer om lag halve kurset. Denne delen av kurset skal gjera deltakarane mest mogleg trykke til å vera aktiv med ein deltakar i aktuelle idrettsaktivitetar.

Kostnad

Prisen for kurset er 1950 kroner per person, som dekkjer utgifter til kurshaldar. I tillegg kjem utgifter til mat, lokale, marknadsføring og liknande. Det må vera minst 12 påmelde for at kurset skal gjennomførast. Maksimalt deltakartal er 30.

Gjensidigestiftelsen har gått inn med midlar til gjennomføring av treningskontaktkurs i 2018. Dersom kurset vert starta opp i 2018 kan kurset delfinansierast med midlar frå Gjensidigestiftelsen. Midlane frå Gjensidigestiftelsen kan dekkja inntil 50% av utgifter til kurshaldar.

Om kommunen dekkjer halve kursavgifta for kvar deltakar, altså minst kr 11700 eller maksimalt kr 29250, vil Hordaland idrettskret dekkja resten med midlar frå Gjensidigestiftelsen. Kostnader til mat etc. vert foreslått som eigendel for kursdeltakar.

Rådmannen meiner at dei som får dekkja kurset må vera folkeregistrerte i Radøy kommune. Dei må også binda seg til å ta på seg oppdrag som treningskontakt i Radøy kommune i eitt år frå kurset er

avslutta, dersom det er behov. Dei som tar kurset må vera fødd i 2001 eller tidlegare.

Det bør stillast krav om at ved avmelding seinare enn 14 dagar før kursstart, må kursutgifta refunderast av deltakar. Dersom det er ledige plassar, kan personar frå andre kommunar melda seg på, men må då finansiera kurset sjølv.

Rådmannen sitt framlegg til vedtak:

RMNF rår til at midlar til inkluderings- og integreringstiltak som ikkje vart delte ut hausten 2017 og våren 2018 kan nyttast til finansiering av kurs for treningskontaktar.

Råd for menneske med nedsett funksjonsevne - 016/2018

RMNF - handsaming:

Rådet meiner det er ein god idé å bruka av fondsmidlane til å utdanna treningskontaktar. Rådet peikar på at treningskontaktane vil kunna bidra tilrettelegging av ei aktiv fritid innan idrett og friluftsliv for menneske med nedsett funksjonsevne.

Rådet ser behov for endå meir marknadsføring og info av ordninga med fondsmidlar til tiltak for integrering og inkludering. Rådet meiner det er ein vinn-vinn-situasjon med utdanning av treningskontaktar og utviding med nye tilbod i lag og organisasjonar til dei aktuelle gruppene. Det vart også peika på at det ikkje minst vil vera lærerikt for ungdom å engasjera seg som treningskontakt.

Rådet vedtok administrasjonen sitt framlegg til vedtak.

RMNF - vedtak:

Rådet for menneske med nedsett funksjonsevne rår til at midlar til inkluderings- og integreringstiltak som ikkje vart delte ut hausten 2017 og våren 2018 kan nyttast til finansiering av kurs for treningskontaktar.

Vedlegg:

Saksframlegg med retningslinjer for tilskot til inkluderings- og integreringstiltak